

BUK IN KOL LUHN MWET KOL KE

PRIESTHOOD

BUK IN KOL LUHN MWET KOL KE

PRIESTHOOD

Orekla sin
The Church of Jesus Christ of Latter-day Saints
Salt Lake, Utah

© 1997
The Church of Jesus Christ of Latter-day Saints
Suwohs nuhkewa karihngihnyuck
Sihmlac fwín acn United States luhn acn America

Ahkkweyeyucklac ke English: 2/92
Ahkkweyeyucklac ke Iweng: 2/92
Lweng ke *Priesthood Leader's Guidebook*
Kosraean

Koano

Srihpac luhn Buk in Kol se Inge	v
<hr/>	
1. Mwet Kol luhn Priesthood ke Alu	1
<hr/>	
Srihpac Yohk ke <i>Priesthood</i>	1
Oiyac luhn Leum	1
Meac Enenuh nuh sin Mwet Kol luhn <i>Priesthood</i>	2
<hr/>	
2. Kahsruh Mwet in Tuhkuh nuh yurin Kraist	4
<hr/>	
Akacsruhi ke Wosasuc	4
Ahkwoye Mwet Wo ke Alu	5
Eis ac Akacsruhi ke Mwe Insewowo ke Tempuhl	6
<hr/>	
3. U luhn Priesthood	7
<hr/>	
<i>Aaronic Priesthood</i>	7
<i>Melchizedek Priesthood</i>	8
<hr/>	
4. Kahlwem Ma Mwet Kol Se Eis	10
<hr/>	
Placni ac Kitaclah Kunohkohn	10
Ahkolah Koanaon sie Toeni	11
Karihngihn Toeni	11
Sirape [Interviewing]	11
Ma Lukmac	12
Pahngon Mwet ke Alu uh in Kuhlacnsap ke Kunohkohn ke Alu	12
Ahkkweyela ac Ahksukohsohkyelah	13
Ahkwot nuhke Fwinsrak	13
<hr/>	
5. Orekma luhn President luhn Branch	14
<hr/>	
Mwet Kol luhn <i>Priesthood</i>	14
Mwet Nuhnukuh	15
Orekma in Karihngihn Mwet Suhkahrup ac Enenuh	16
Orekma ke Mani ac Ma Sihmlac	16

6. Orekma luhn President luhn Quorum luhn Elders	17
Kol ke Toeni luhn <i>Priesthood</i>	17
<i>Home Teaching</i>	17
Ahkkweye Mwet ke Alu Ma Muhnahs	18
7. Akwuck ac Mwe Insewowo luhn Priesthood	19
Sang Inne ac Ahkinsewowoye Tuhlihk Srihsrihk	20
Baptais	20
Ahkkweye ac Sang Nguhn Muhtahl	21
Oruh Akwuck ke <i>Sacrament</i>	21
Kihsackuhnlah ke Oil	22
Akmuhsraelah Mwet Mas	22
Kisacelah Inkuclyuck	23
Sang Mwe Insewowo luhn Pahpah ac Kuhtuhpac Mwe Insewowo luhn Ahkmisyee ac Kahsin Kahsruh	23
Sang <i>Priesthood</i> ac Ahkmuhsralah nuhke sie Wal	24
Srihyucklac	24

Srihpac luhn Buk in Kol se Inge

Srihpac luhn *Buk in Kol luhn Mwet Kol ke Priesthood* se inge pa in kahsrüh mwet kol ke priesthood in luti kac ac oruh ma kunaclos. Buk se inge khtakatwelihk nuhke ip itkohs.

Ip 1, “Mwet Kol luhn *Priesthood* ke Alu,” ahkkuhtweyac srihpac yohk luhn priesthood, srihkasrak luhn Leum in oacna sie mwet kol, ac kuh in ahkyohkye muhsaheack luhn mwet kol ke priesthood.

Ip 2, “Kahsrüh Mwet in Tuhkuh nuh yurin Kraist,” in kahsrüh *priesthood* ke ma kunaclos suc in fahkwack ke wasasuc, ahkwoye mwet wo ac molwelah ke mwet misac.

Ip 3, “U luhn *Priesthood*” in ahkfototoye srihpac, wal, *quorum*, ac kuh luhn *Aaronic Priesthood* ac *Melchizedek Priesthood*.

Ip 4, “Kahlwem Ma Mwet Kol Se Eis,” in luti ke oraclah placn, kihtaclah ke kunohkohn, ahkolah koanon toeni, tuhkahkuhnlah koanon toeni sirape, sirape pahngon mwet ke alu uh in orekma ke Alu, ac in pahngon ac oacyacpac eslah mwet liki orekma lalos ke Alu. Ac oacyacpac luti mwet in sruokyac ma nuh selos sifacna ac oakiac fwinsrak lalos in sun.

Ip 5, “Orekma luhn *President luhn Branch*” sruhmuhn ke ma kunacl lah el pa kol ke *priesthood* ac sie mwet nuhnuhkuh, ac oacyacpac ma kunacl in liye mwet muhnahs ac mwet enenuh ac in karihngihni mani ac ma sihmlac.

Ip 6, “Orekma luhn *President luhn Quorum luhn Elders*,” in sramsram ke ma kunacn *president luhn quorum* in kol *quorum*, wi kahsrüh *home teaching*, ac ahkkweye mwet ke alu uh suc muhnahs.

Ip 7, “Akwuck ac Mwe Insewowo luhn *Priesthood*,” in sifwil liye meac akwuck fal *priesthood* in ukwe, mwe ahkinsewowo, ac ke akwuck.

In oacna sie mwet kol ke *priesthood*, kom enenuh in lutlut ke buk in kol se inge wi pruhe. Orekmakin pacl nuhkewa ma oasr siyuck lom ke orekma lom an. Orekmakin wi ma suhmuhslah muhtahl, *Buk in Kol luhn Sucu*, *Buk in Kol luhn Branch*, buk luhn *Gospel Principles*, buk luhn *Duties and Blessings of the Priesthood* ac kuhtuh pac buk sahyac. Fwin kom tiac sokwack top ke mwe siyuck lom an ke buk ahkkahlwemyeyuck inge, kom kuh in siyuck kahsrüh sin mwet kol lom ke *Priesthood*.

1. Mwet Kol luhn *Priesthood* ke Alu



Srihpac Yohk ke *Priesthood*

Priesthood pa kuh luhn God. Ke kuh se inge el oraclah orekma lal ac wolacna lal, suc pa in use tiac kuh in sifwil misac nuh sin mwet ac moul ma pahtpaht (liye Moses 1:39).

Pahpah tuhmasr Inkuhsrao el kaksre kuht ke kuh luhn *priesthood* nuh sin mukul suwohswohs ke Alu uh. Ke *priesthood*, elos eis kuh in luti wosacus, orekma ke akwuck nuhke moul ma pahtpaht, ac in leumi tohkohsrahi luhn God fwin facluh.

Oiyac luhn Leum

Leum lasr Jisus Kraist, oakiac ohiyac wo nuh sesr in fahsr kac ke kuht mwet kol ke sucu ac Alu uh. El luhngse Pahpah tuhmal. El oacyacpac luhngse mwet el kuhlacnsap nuh se. El moul in kuhlacnsap nuh sin mwet, kaksruh mwet elyah insiac, ac in sang finsrak nuh sin mwet suhpacr.

Jisus el kahlwem ke ma kunacl ac ahkpwacyeye ke orekma lal. El oruh luhngse luhn Pahpah tuhmal in sang wolacna nuh sel ac tiac nuh sel

sifacna. El kisackuhnlah ma nuhkewa kacsr, molwelah ma koluk lasr ac fuhleack mouh lal fwini sahksin soko kacsr.

Kuht fwini fahsr tukin ohiyac luhn Leum, el ac fah ahkyohkye kuh lasr in oruh orekma lal. El ac fah use nuh sesr in etuh meac kuht ac fah fahk ac oruh (liye D&C 100:6). Kuht ac fah mwet kuhlacnsap lal ke orekma yohk se inge.

Meac Enenuh nuh sin Mwet Kol luhn Priesthood

Lahlahlfongi

Ke kuht mwet kol ke *priesthood*, kuht enenuh in lahlahlfongi muh Jisus el Mwet Lahngo Molwelah lasr. Kuht ahkyohkye lahlahlfongi se inge ke pruhe, lutlut ke ma suhmuhslah muhtahl, ahkos, ac auliak. Leum el olwelah muh fwini kuht ahkmongoi fihtac luhn lahlahlfongi, ac fah kapkapwack in kuht ac oswelah fahko sacok ac wolacna (liye Alma 32:42)

Luhngse

Kuht enenuh in luhngse mwet suc Leum el acse nuh sesr in orekma kac. Ke kuht luhngse elos, kuht ac luhngse kuhlacnsap nuh selos, lotelos, ac orekma ke mouh lalos.

Fwini faclu, mwet u tiac arlac nuhnkuh muh mwet kol pa mwet

kuhacnsap. Tuhsruhk Leum el luti ke kaks lal ac ohiyac lal lah kuht enenuh in kuhlacnsap nuh sin mwet kuht kol uh. El fahk nuh sin mwet tuhmal lutlut lah "El suc luhngse el in mwet kol kuh Leum inmahsrlowos, el fah mwet kuhlacnsap lowos" (liye Matthew 20:27). Ke *Book of Mormon* kuht luti nuhke kuht kuhlacnsap nuh sin mwet uh, kuht oacyacpac kuhlacnsap nuh sin Pahpah tuhmasr Inkuhsrao (liye Mosiah 2:17).

Ahkostwen

Ke kuht mwet kol yohk srihpac kuht in ahkos masap luhn Leum kuht in muh kuh in oakiac oiyac mwowo nuh sin mwet ac in kuh pac in eis kolyuck luhn Nguhn Muhtahl. Ahkostwen lasr oacyacpac fahkwack luhngse lasr nuh sin Leum.

Masap luhn Leum ahkkahlemyeyuck ke ma suhmuhslah muhtahl, sin mwet kol ke Alu, ac ke mukuikui luhn Nguhn Muhtahl. Ke kuht ahkos masap inge Leum el ac fah kaksre kuht in ahksahfyelah orekma lasr.

Kisac

Oasr sie mwet fwusr kaksruhpuh tuh siyuck sin Leum meac el ac oruh tuh elan eis mouh ma pahtpaht. Leum el fahk nuh sel "liyacng masap" (Matthew 19:17). Mwet fwusr sac fahk muh el liyacng masap ke el srihkyak, ac siyuck, "meac luhlah sihk"? Jisus, el etuh insiacl, ac fahk nuh sel tuh elan kuhkwackuhnlah ma lal ac sang

nuh sin mwet suhkahsruh ac fahsruh fahsr tuhkohl. Ac mwet fuhsr sac ahsor insiacl, tuh yohk mwe kahsruh lal.

Ke sramsram soko inge Leum el luti ke kisackuhnlah ma nuhkewa kuht in muh kuh in fahsr tuhkohl. Oacna mwet fuhsr kahsruh sac, sahþ kuht

ac pahng pac in kisackuhnlah ma lasr kuh paci lasr, etuh lasr, ac orekma lasr kuh kuhtuh ma kuht suk in ahkyohkye orekma luhn Leum. Ke kuht oruh kihsac lasr nuh sin Leum ac tohkohsrahi lal, el olwelah muh el ac ahkinsewowoye kuht ke ma nuhkewa (liye Matthew 19:29; D&C 97:8-9).

2. Kahsruh Mwet in Tuhkuh nuh yurin Kraist



Ma yohk srihpac ke Alu uh pa in kahsruh mwet nuhkewa in tuhkuh nuh yurin Kraist, ac ahkwoyeyuck in el (liye Moroni 10:32). Oasr srihpac yohk tolu ke ohiyac se inge, ac som yohk nuh sin mwet kol luhn *priesthood*.

1. Fahkwack wosasuc ke Jisus Kraist nuh yen nuhkewa, sucu, lohoh, ac mwet nuhkewa.
2. Ahkwoye Mwet Wo ke alu ac ahkwelos in eis akwuck luhn wosasuc ac kahsruh mwet muhnahs ac mwet enenuh.
3. Molwelah mwet misac ke akwuck nuh selos ke wosasuc.

Akacsruhi ke Wosasuc

Leum el siyuck mwet ke Alu in akacsruhi wosasuc nuh sin mwet nuhkewa. Mwet kol ke *priesthood* enenuh in oruh ma inge ac ahkkweye kuhtuh in wi pac oruh. Kuhtuh inkacnek in akacsruhi ke wosasuc pa—

- Sramsram nuh sin mwet kawuck kac ac mwe ahkinsewowo tuhkuh kac.
- Oakiac ohiyac wowo.
- Kahsruh *stake* kuh orekma yohk luhn *missionaries*.

- Placni mukuikui ac *program* in ahkuhtweyac nuh sin mwet ke wosasuc.

Sie inkacnek in akacruhi ke wosasuc pac in ahkolah mwet ke alu uh in som nuhke *full-time mission*. Mwet kol kuh in oruh ke—

- Kahsruh mwet fuhsr ke *branch* in ahkolah nuhke kuhlwaconsap.
- Kahsruh pahpah ac ninac in ahkolah tuhlihik nahtuhlos in kuhlacnsap.
- Ahkkweye mwet pahyuck in ahkolah in wi kuhlacnsap.
- Kahsruh mwet ke alu uh in ahkolah ke mani nuhke *mission* ac in kahsruh *missionary* ke mani.

Ahkwoye Mwet Wo ke Alu

Ahkwoye Mwet Wo ke Alu pa kahsruh in esam lah kais sie mwet ke alu sun enenuh lalos ke nguhn ac mahno.

Enenuh luhn Nguhn

Mwet kol kuh in kahsruh mwet ke alu uh ke moul in nguhn lalos oacna lotelos ke wosasuc ac kacfwelos in moulkihn. Mwet kol in ahkkweye mwet ke alu in fototo nuh yurin Leum ke pruhe, lalo, ipeis ke

sacrament, ac lutlut ke ma suhmuhslah muhtahl.

Orekma in ahkwoye Mwet Wo enenuh nuh sin kais sie ac sucu. Alu uh ma in ahkkweye sucu ac kahsruh in lohm selos. Mwet kol enenuh in kahsruh yohk ip kunacn pahpah ac ninac in luti tulihk nahtuhlos ke wosasuc ac in oruh *family home evenings* pacl nuhkewa.

Mwet ke alu uh nuhkewa fah puhla luhngse ac eneneyaclos nuh in Alu. Oruh pahng nuh sin *home teacher* in liye ac ahkkweye kais sie mwet ke alu ke enenuh lalos in sun finsrak se inge

Enenuh luhn Mahno

Mwet kol kuh in kahsruh mwet ke alu uh ke enenuh in mahno lalos ke—

- Lotelos in ahkolah ac in sifacna.
- Lotelos in moul ke masap luhn kihsac ac masap luhn lalo.
- Ahkkweyelos in moul ke ma suwohswohs.
- Oruh pahng nuh sin *home teacher* in liye ac in kahsrelas.

Mwet kol in oacyacpac kahsruh enenuh luhn mwet suhkahsruh (liye ip 5).

Kuhtuh mwe ahkkahlwemye ke fuhkah mwet ke alu uh ac eis enenuh lalos, liye *Buk in Kol luhn Sucu*.

Eis ac Akacsruhi ke Mwe Insewowo ke Tempuhl

Mwet nuhkewa ke Alu uh enenuh in eis ac akacsruhi ke mwe insewowo ke tempuhl. Ma kunacn mwet ke alu uh in oruh ma inge suc oasr ke *Buk in Kol luhn Sucu*. Mwet kol ke *priesthood* kuh in kahsruh mwet ke alu uh in ahkpwacyeye ma inge ke—

- Lotelos ke tempuhl.
- Lotelos ke mwe lutlut kuh orekma ke mwet misac.
- Ahkkweyelos in kuh in akihlen mwet lalos somlah ac suhpaclah inelos nuhke orekma orek in tempuhl.
- Ahkkweyelos in sun tempuhl (acn oasr we) ac oruh akwuck in tempuhl ke mwet somlah ac kuhtuh pac mwet misac.

3. U luhn *Priesthood*



Jon Baptais el sang *Aaronic Priesthood* nuh sel Joseph Smith ac tohkoh nuh sel Oliver Cowdery (liye D&C 13).

Priesthood uh orekwelihk nuhke ip luo: *Aaronic Priesthood* ac *Melchizedek Priesthood* (liye D&C 107:1). Mwet sap inkuhsrao fohlohkohnwack kuh luhn *priesthood* nuh fwini facluh kacl Mwet Pahluh Joseph Smith.

Aaronic Priesthood

Aaronic Priesthood fototo nuhke fuhlwact kuhtuh, pa *Melchizedek Priesthood* (liye D&C 107:14). Tuhkuh ke innel Aaron, wiacl Moses ke srihpen ituckyang nuh sel ac futac lal. Mwet suc sruok *Aaronic Priesthood* oasr kuh la in oruh akwuck ke



Pita, Sem, ac Jon sang *Melchizedek Priesthood* nuh sel Joseph Smith ac tuhkoh nuh sel Oliver Cowdery.

baptais ac ahkinsewowoye ac kitaclah *sacrament*. (Liye D&C 107: 13–14, 20.)

Orekma kunacn *Aaronic Priesthood* pa in kahsruh elos suc oasr yohrohl in—

- Iklac nuhke wosasuc luhn Jisus Kraist ac moulin mwe luti kac.
- Ahkyohkye orekma lalos ke *priesthood*.
- Sang kalmeyen kahsruh suc wacngihn molo.
- Ahkolah in eis *Melchizedek Priesthood*.
- Ahkolah nuh in som ke *full-time mission*.

- Moul nwacsnwacs in suwohs in eis olwelah in tempuhl ac in mukul tuma ac pahpah suwohs se.

Ke *Aaronic Priesthood* ituckyang nuh sin sie mukul, el akmasralah nuhke wal ke *priesthood* sacn. Wal inge pa *deacon*, mwet luti, ac priest. Mwet suc oasr ke wal se pacna ingacn orekla nuhke uh se. Kais sie uh kolyuck sin *president* se suc luti mwet ke alu ingacn ke ma kunaclos ac ahkkweye sie sin sie inmahsrlolos.

Deacon

Sie mwet fuhsr suc moul nwacsnwacs fwin baptaiselac ac ahkkweyeyukla el eis wal luhn *deacon* fwin el yiac singucul luo. *Deacon* pa kihtacalah *sacrament*, karanganwacngh lohmu Alu ac lukunumu, kahsruh mwet enenuh ac kahsruh ke kuhtuh pac kain in orekma oacna oracni mwe sang ke lalo.

Quorum luhn *deacon* enenuh in oasr mwet singucul luo kac (liye D&C 107:85). *President* luhn *branch* el fah pahngon sie u luhn *president* inmahsrlolos.

Mwet Luti

Sie mwet fuhsr suc moul nwacsnwacs fah akmasralah nuhke mwet luti fwin el sun yac singucul ahkosr. Mwet luti inge oruh kewa kunohkohn, suwohs, ac kuh nuhkewa ke wal luhn *deacon*. Weacng, elos ahkolah *sacrament* ac kuhlacnsap oacna *home teachers*.

Quorum luhn mwet luti oasr mwet longoul ahkosr kac (liye D&C 107:86). *President* luhn *branch* el fah pahngon sie u luhn *president* inmahsrlolos.

Priest

Mukul suc moul nwacsnwacs fah akmasralah nuhke priest fwin sun yiac singucul onkosr matwac. In weacng orekma ac kuh luhn *deacon* ac mwet luti el kuh in baptais, oruh orekma ke *sacrament*, ac tahfwelah koanon toeni fwin wacngin *Melchizedek Priesthood* (liye D&C 20:46–51).

Quorum luhn *priest* kuh in oasr mwet angaul oalkosr kac (liye D&C 107:87–88). *President* luhn *branch* el fah kol *quorum* luhn *priest* sacn pahngon in inmahsrlolos in *assistants* lal.

Melchizedek Priesthood

Melchizedek Priesthood el fuhlwact kuhtuh. Inne se inge tuhkuh ke sie innen sie *priest* fuhlwact in pac lal Abraham (liye D&C 107:2–5). Mukul suc oasr *Melchizedek Priesthood* la oasr kuh lal in kol Alu ac luti wasasuc. Elos kol ke *ward*, ke *branch*, *stake*, ac *mission*.

Ke *Melchizedek Priesthood* ituckyang nuh sin sie mukul, el akmasralah nuhke wal ke *priesthood* sacn. Wal inge pac *elder*, *priest* fuhlwact,

patriarch, mwet itngucul, ac tuhmal lutlut. Kais sie *quorum* kolyuck sin *president* se suc luti mwet ke alu ke ma kunaclos ac ahkkweyelos sie sin sie inmasrlosr.

Elder

Elder pa in luti, fahkwack, baptais, ac karihngihn Alu. In weacng kuh ke wal luhn *Aaronic Priesthood*, el sang mwe sang luhn Nguhn Muhtahl, orekma ke mwet mas, ac oruh kuhtuh pac akwuck sahyac (liye ip 7). Ke ituckyang kuh, *elder* un fah kol

Alu fwin wacngihn *priest* fuhlwact. (Liye D&C 20:42–45, 70; 107:11.)

Quorum luhn *elder* in sie *branch* kuh in oasr *elder* yucngucul ohnkohsr kac. *Stake, mission*, kuh *president* luhn *district* sulaclah u luhn *president* inmahsrlolos.

Priest Fuhlwact, Patriarch, Mwet Itngucul ac Mwet Singucul Luo

Kuhtuh mwe ahkkahlwemye ke wal luhn *priest* fuhlwact, *patriarch*, mwet itngucul, ac mwet singucul luo oasr in *Gospel Principles*, sapta 14.

4. Kahlwem Ma Mwet Kol Se Eis



Placni ac Kitaclah Kunohkohn

Step ekahsr inge kahsrh mwet kol in placn ke toeni, mukuikui, ac finsrak in oruh orekma luhn Leum. *Steps* inge wo pac in kahsrh *home teaching*, in pahngon mwet ke alu in kuhlwasncsap ke *branch*, ac in asruoki ac kahsrh mwet ke alu ac mwet sahyac.

1. Placn ac oraclah. Mwet kol in placni toeni nuhkewa, mukuikui, ac ma in oruh srihpac luhn wasasuc. In oruh placn inge, mwet kol enenuh in siyuck sin mwet sahyac, oacna mwet kahrsuh lalos, in akacsruhi ke nuhna ac in kahsrh oraclah.

2. Pruhe. Mwet kol in pruhe siyuck ke kolyuck ke elos oruh placn. Elos oacyacpac pruhe ke suc fah oasr pahng nuh se in kahsrh orekma.

3. Kihtaclah kunohkohn. Sie mwet kol wo el suli mwet in kahsrh meyen el etuh la el tiac kuh in sifacna in ma nuhkewa. El ahkkahlwemye placn nuh selos. Na el sang ma kais sie in oruh, ac ahkkahlwemye orekma kac ac mwe insewowo suc ac tuhkuh kac.

4. Kahsrh ac tahpuhk. Tugin mwet kol se el oruh tari placn, pruhe, ac kihtaclah kunohkohn, el tahpuhk mwet suc el pahngon in oruh orekma. El lotelos meac elos enenuh in etuh

ac sang kahsrüh. El ahkkahlwemye luhngse lal ac lahlahlfongi lal in kais sie. El ahkkweyelos ke nuhnak lalos liki ma in orek ke nuhnak lal sifacna. El ahksuwohsye mwet ac oruh tuh elos in ahol meac elos oruh in pacl enenuh.

5. Sirape (suk in etuh). Tukin ituckyang ma mwet se in oruh, mwet kol se enenuh in kais sie pacl siyuck ke *report* ke orekma mwet se oruh. El kuh in oruh ke tiac pacl akwuck kuh in sirape. El enenuh pac in kuloh nuh sin mwet sacn ac sang kaksak nuh sel ac ahkkweyacl. El oacyacpac in sramsram ke kapkapwack luhn orekma.

6. Kotai. Ke sie orekma tari, mwet kol se kotai wi kais sie mwet. El sang kuloh, ac sramsram ke luhpan ma orekla, ac el kuh pac in sang sie orekma pac nuh sin mwet sacn.

Ahkolah Koanaon sie Toeni

Agenda pa placn nuhke sie toeni. Ma kuh in oasr kac pac pruhe, on, sramsram, mwe fahkwack, *business*, fahkwack ke ma orek, orekma sasuc ac kuhtuh pac ma ac sramsramkinyuck. Ma yohk ke toeni ma sihmlac uh kahsrüh mwet kol se in esam ma yohk srihpac in sramsramkinyuck ke toeni se. Ac oacyacpac kahsrel in kol sie ing in fwel ac in fahl nuhke pacl.

Mwet se ma kol toeni se inkaihiyac pacl uh el oraclah *agenda* ke toeni se. El enenuh in esam lah ac oracni ma nuhkewa ma yohk srihpac in ahksahfyelah toeni se. El in etuh pac ke luhpan pacl kais sie ma fah sramsramkinyuck. Fwin wacngihn pacl in sramsramkinyuck ma nuhkewa, el fihliyac kuhtuh nuhke toeni se tok an.

Karihngihn Toeni

Mwet se ma ac tuhkahkuhnlah ke toeni se pac mwet kol ke toeni sacn. El fahk innen mwet ac pruhe, sramsram, kol on, ac kuhtuh pac ma ke toeni se. El enenuh in muhtahl ac in kol toeni se ke kolyuck luhn nguhn.

Mwet kol se el kuh in tuhkahkuhnlah ke *agenda*, kuh el siyuck sie pacna mwet in tuhkahkuhnlah ye kolyuck lal. Sie ohiyac pac oacna *president* luhn *branch* se siyuck *counselor* lal in tuhkahkuhnlah ke toeni luhn *sacrament* uh. *President* luhn sie uh kuh in siyuck sie sin *counselor* lal in tuhkahkuhnlah pac toeni luhn sie *quorum*.

Sirape [Interviewing]

Sirape pa sie toeni inmahsrln mwet kol se ac sie mwet. Ke toeni se inge, mwet kol se siyuck, lohng, ac sang kahsrüh nuh sin mwet sacn.

Mwet kol se sirape sin mwet in etuh la elos fal in eis kuh nuh in tempuhl [temple recommend], *priesthood* kuh in kuhlacnsap ke Alu. El oacyacpac sirape nuh selos suc pahng in orekma ke Alu. Sirape uh orek in akacsruhi ke ma eneneyuck in kahlwem, oruh mwet se in kuh in oruh fahkwack ke ma kunacl kuh orekma lal, kuh in sang kahsrh mwet ke alu uh. Sirape uh inkacnek wo se pac in luti mwet ke alu uh.

Mwet kol enenuh in fahsr ke inkacnek inge pacl el oruh sirape nuh sin mwet:

1. Sulaclah sie acn mislac ma ac wacngihn mwe ahklokoalok.
2. Ahkkahlwemye srihpen sirape lom nuh sel.
3. Ahkkahlwemye luhngse ke mwe siyuck lom an, ac ke ingacnek suwohs.
4. Porongo ma mwet sacn fahk.
5. Sang mwe fahk ac ma in orek in kahlwem.
6. Sang pacl luhn mwet sacn in siyuck ac in ahkkahlwemye puhla lal.
7. Sang kuloh ac ahkkweye mwet sacn kuh fahk ke puhla lom, rit ke sie ma suhmuhslah muhtahl, kuh tuhkeni pruhe.
8. Sang in fal pacl mwet sacn in tiac elyah.

Ma Lukmac

Mwet kol se tiac sramsram ke ma lukmac nuh sin kuhtwena mwet. Sirape, fahkwack, luhpan kihsac kuh kuhtwena inkacnek in oracni mani tiac sramsram kihnyuck. Fwintiac lewlah, mwet kol sacn tiac kuh in sramsram kihn ohiyac lukme ingacn nuh sin mwet oacna *counselor* ac muhtacn kiel. Mwet kol ma sramsram nuh sin mwet ke ma inge akmunahsyela puhla ac lahlahlfongi luhn mwet el kuhlacnsap nuh se an.

Pahngon Mwet ke Alu uh in Kuhlacnsap ke Kunohkohn ke Alu

In pahngon mwet in kuhlacnsap ke Alu, mwet kol se enenuh in oruh sirape lal in suk ohiyac inge:

1. Lah mwet sacn fwal kuh suwohs?
2. Lah meac mwet sacn pacr kac?
3. Lah mwet sacn oasr kuh, kena, ac pacl in oruh orekma lal?
4. Lah sucu luhn mwet sacn lewlah lan kuhlacnsap.

Fwin mwet kol se puhla tuh sie mwet fwal nuhke orekma se, el ac siyuck mwet sacn in oruh orekma sacn.

Met liki sie muhtacn pahng nuhke sie orekma, mwet kol se in ohsun nuh sin mukul tuhmal in etuh lah el ac tahpkuhl. Ac ke sie pac mukul pahng

nuhke orekma mwet kol se enenuh pac in ohsun nuh sin muhtacn kiacd in etuh pac lah el ac tahpkuhl. Ac mwet kol se enenuh pac in ohsun nuh sin pahpah ac ninac kiacn sie tuhlihk meet liki el pahng nuhke orekma luhn Alu.

kol enenuh in sramsram nuh sel, fahk kuloh ac ahkkahlwemye srihpac in fihlfihllac lal an. Mwet kol sacn enenuh in fahk srihpac in sukohsohklah lal an ke Alu uh. El enenuh in siyuck pac insese luhn kais sie mwet ke paho lacyot.

Ahkkweyela ac Ahksukohsohkyelah

Ke mwet se ahkos pahng in kuhlacnsap, elos enenuh in ahkkweyeyucklac sin mwet in Alu uh suc elos ac kuhlacnsuhpuh. In oruh ohiyac se, mwet kol sacn fahk innen mwet sacn ac sap tuh mwet sacn in tu pacd se mwet ke alu an oruh fot in ahkkweye kal an. Mwet se ma oruh fot in ahkkweye an fah fahk ohinge: "Kuht pahngon [fahk innen mwet sacn] in oruh [fahk orekma sacn] ac srihpac el ahkkweye kac. Kowos nuhkewa suc insese, ahkkahlwemye ke lacpaco lacyot lowos. [Sano fot]." Mwet ma ac ahkkweyuck enenuh in fot, fwin oasr mwet puhs liki sie, elos oruh in u se.

Ke ahksukohsohkyeyucklac sie mwet liki orekma lal ke Alu, mwet

Ahkwot nuhke Fwinsrak

Mwet kol enenuh in pruhe siyuck ke kolyuck sin Leum ke ma el luhngse elos in oruh. Ahkwot nuhke finsrak ac kahsrelos in oruh orekma Leum el sang nuh selos.

Ke ahkwot nuhke sie finsrak, yohk srihpac in oraclah placn in sun. Oacna, ke *president* luhn *district* el suk sie finsrak in puhseni mwet wi toeni luhn *sacrament* ke *district* sacn. Placn lal pa siyuck *president* luhn *branch* in suli mwet nuhkewa in wi toeni luhn *sacrament*.

Mwet kol se kuh in ahkkweye kais sie mwet in sun ma elos ahkwot nuh kac. Mwet kol kuh in sramram ke kuhtuh ma inge, tuhsruh kais sie in sifacna oruh ahkwot lal in fwal nuhke placn lal.

5. Orekma luhn *President* luhn *Branch*



President luhn *branch* pac mwet liac-acng ke *branch* se, el kol ke luhngse ac kuhlacng nuh selos nuhkewa mwet ke alu ke *branch* sacn. Oasr kunohkohn ahkosr lal:

1. El pa kol *priesthood* nuhkewa ke *branch* se.
2. El pa nuhnuhkuh ke *branch* se.
3. El kol kuh liac-acng orekma ke mwet suhkahsruh ac mwet enenuh ke *branch* se.
4. El orekma ke mani ac ma suhmuhslah ke *branch* se.

Mwet Kol luhn *Priesthood*

In oacna mwet kol se luhn *priesthood*, *president* luhn *branch* el liye ac ahkkweye mwet ke *branch* lal. El kahsreyuck sin *counselor* lal ac mwet kol ke *home teacher*. Orekma wi *president* ke *quorum* luhn *elder*, *president* luhn *branch* el liye fwin *home teacher* forfor nuh yurin sucu pac l nuhkewa. Muhtacta in kais sie mahlem ac fahkwack luhn *home teacher* nuh sin *president* ke *quorum* luhn *elder* kahsruh *president* luhn *branch* in esam enenuh luhn mwet ke

alu uh. (Kuhtuh mwe ahkkahlwemye ke *home teaching*, liye ip 6.)

President luhn branch el fosmgahkihn, orekma in kahsrh muikuikui ke *branch*, yohk nuh sin *Aaronic Priesthood* ac u in muhtacn fuhsr. El pahngon mwet in kol *Aaronic Priesthood* ac in kahsrh ke *branch* (*Relief Society, Primary, Sacri School* ac muhtacn fuhsr). Kahrenyuck sin *counselor* lal, el oacyacpac pahngon mwet ke alu in luti ke class ac kuhlacnsap ke kuhtuh pac orekma in *branch* se. El oruh sirape lal nuh sin u ac kais sie mwet kol in eis fahkwack ke orekma lalos. (Kuhtuh mwe ahkkahlwemye ke *branch auxiliary*, liye Buk in Kol luhn Branch.)

President luhn branch el kol toeni luhn *sacrament*, toeni luhn *priesthood*, ac kuhtuh pac toeni luhn *branch* el wi. El in liye lah toeni ac ma nuhkewa ma orek uh kahsrh mwet in tuhkuh nuh yurin Kraist. (Kuhtuh mwe ahkkahlwemye ke toeni luhn *branch*, liye Buk in Kol luhn Branch.)

President luhn branch el kol akwuck nuhkewa ma enenuh in orek. El liye fwinn *priesthood* se oasr kuh enenuh nuh sel, ac el fahsr ke akwuck. El ahkkweye lelah nuhke *Aaronic Priesthood*. Tukun lelah sin *stake, mission*, kuh *president luhn district*, el oacyacpac ahkkweye mwet nuhke *Melchizedek Priesthood*. (Kuhtuh mwe ahkkahlwemye ke *priesthood ordinance*, liye ip ahk 7.)

Mwet Nuhnuhkuh

President luhn branch pa mwet nuhnuhkuh ke *branch* se. El sirape selos in suk fwinn elos fwinn in eis kuh nuh in tempuhl [temple recommend], akmuhsra, akwuck, pahng, orekma lalos ac ahkihnsewowo sin pahpah. El oacyacpac kahsrh mwet suc suk kolyuck sin nguhn.

In kahsrh *president luhn branch* ke orekma lal, suc el mwet nuhnuhkuh, Leum el olwelah nuh sel kuh in akihlen. Fwinn el fwa in eis, el ac fah eis mwe sang se inge suc ac kahsrel in etuh meac oasr insien mwet se. Oacyacpac kahsrel in fahk lal ac oruh in kahsrh mwet.

Ke mwet in Alu uh oruh ma koluk, *president luhn branch* el kuh in kahsrelos in auliak ke elos taltal nuh sel ke ma elos oruh uh.

Fwinn sie mwet oraclah ma koluk yohk se, akwuck in lain luhn Alu uh fah ituckyang nuh sel, oacna wacngihnlac kahrenyack kuh wacngihnlac inne liki Alu. *President luhn branch* el sirape ke ma inge yurin *mission* kuh *president luhn district*, suc sulaclah fwinn oasr toeni luhn *council* nuh kac. Ye kohkoh luhn *mission* kuh *president luhn district, president luhn branch* el kuh in kol toeni sacn. Toeni luhn *council* se inge enenuh in orek ke luhngse ac in kuh in kahsrh mwet se in auliak ac in

sifwil pac eis pacr la ke mwe
insewowo ke wosasuc.

Fwin *president luhn branch* el priest se,
el tiac kuh in nuhnuhkuh. Ke ohiyac
se inge, *mission kuh president luhn*
district pac ac nuhnuhkuh ke mwet
ke alu ke *branch* sacn.

Orekma in Karihngihn Mwet Suhkahrup ac Enenuh

Orekma muhtahl luhn *president luhn*
branch pac in orekmakihn mani luhn
Alu in kahsrup mwet muhnahs ac
enenuhke *branch*. *President* ke *quorum*
luhn *elder* ac *Relief Society* kuh in
kahrrel pac ke mwet inge.

President luhn branch el enenuh in liye
fwin *ward* oracni fwal luhpah nuhke
kihsac ke lalo ke kais sie mahlem. Ke
lalo, mwet ke alu uh tiac mongo ac

nihm ke mongo luo ac sang luhpan
mani sisilac ke mongo luo inge nuhke
kihsac ke lalo.

In fahr ke akwuck luhn Alu u,
president luhn branch el oacyacpac
sulaclah fuhkah orekmakihnyen
kihsac ke lalo in kahsrup ac liyacang
mwet suhkahrup ac enenuh.

Orekma ke Mani ac Ma Sihmlac

President luhn branch—

- Eis ac liac-acng orekma ke mwe
sang sin mwet ke alu in *branch* sacn.
- Kol orekmakihnyen mani luhn Alu.
- Oraclah luhpan kihsac ke yac se.
- Liye fin record ac fahkwack luhn
branch suwohs ac sa.

6. Orekma luhn *President* luhn *Quorum* luhn *Elders*



Elders ke *branch* se oraclah *quorum* luhn *elder*. *President* ke *quorum* luhn *elder* sollac sin *stake*, *mission* kuh *president* luhn *district* ac el in ahkolah nuh kac. *President* luhn *elder* el orekma ye kolyuck luhn *president* luhn *branch* se ac in sie sin mwet kac uh.

Orekma kunacl *president* luhn *elders* pa tahklac ten inge.

Kol ke Toeni luhn *Priesthood*

President ke *quorum* luhn *elders* enenuh in oruh toeni in—

- Luti ke wosasuc.
- Kahsruh pahpah in kahsruh ahkkweye sucu lalos.

- Kahsruh mukul in Alu uh luti ac oruh orekma luhn *priesthood*.
 - Luti mwet in oruh akwuck luhn *priesthood*.
 - Placni ma in orek in kahsruh sie sin sie.
-

Home Teaching

Mwet luti in sucu pa mwet *priesthood* suc pahng in liye ac ahkkweye mwet ke *branch*. *Home teaching* pa sie orekma yohk srihpac luhn *president* luhn *quorum* luhn *elders*. Pa sie orekma yohk luhn sie mwet suc oasr *priesthood* yohrohl.

President luhn quorum luhn elders enenuh in luti *home teacher* ac lotelos in oruh wo. Elos in muhtacta yurin mwet ke alu pacl nuhkewa, luhngse elos, lotelos ke wosasuc, ac lotelos in tuhkuh nuh yurin Kraist. Elos in ahkkweye mwet in pruhe ac in wi ma orek in sucu. Elos enenuh pac in kahsrüh mwet ke pacl elos mas, suhpacr, muhkahimtacl, tiac orekma, ac kuhtuh pac kain in enenuh. (Liye D&C 20:51, 53, 59.)

President luhn quorum luhn elders orekma wi *president luhn branch* in oruh ac kahsrüh *home teaching*. Ke sirape lal el pahngon mwet in oruh lutlut lalos ac sang mwet ke alu uh elos in orekma kac. *President luhn branch* se el orekma kihñ *Aaronic Priesthood* in kahsrüh ke mwet luti se.

Mwet ke *presidency luhn quorum* sirape sin *home teachers* pacl nuhkewa in eis ma sikyak ke forfor lalos ac in etuh meac enenuh luhn mwet ke alu uh.

Ahkkweye Mwet ke Alu Ma Muhnahs

President ke *quorum luhn elders* in kahsrüh mwet in tuhkuh nuhke toeni luhn Alu, mukuikui, ac orekma in kahsrüh luhn Alu uh. El oacyacpac in kahsrüh elos in kuh in ahkolah in eis *Melchizedek Priesthood* ac akwuck nuhke tempuhl. Mwet luti in kahsrüh ke ma inge, tuhsruh pacl nuhkewa *president luhn quorum* se enenuh in orekma ke mwet ke alu u.

7. Akwuck ac Mwe Insewowo luhn *Priesthood*



Akwuck muhtahl el sie orekma muhtahl orekla ye kuh luhn *priesthood*. Baptais ac *sacrament* elos mwe srihkasrak ke akwuck muhtahl ke *priesthood*. Kuhtuh akwuck muhtahl inge kuh in orek sin mwet lili suc sruok wal luhn *Aaronic Priesthood*. Tuhsruhk inkaiyacn akwuck muhtahl inge orek sin mwet ma sruok wal luhn *Melchizedek Priesthood*.

Ip se inge sang inkacnek se mwet *priesthood* se in fahsr kac in oruh akwuck. Branch president ac president ke uh luhn elders in kahsruh mwet in kuh in oruh akwuck. Mwet kol inge in kahsruh pahpah se in kuh in ahkolah pac in oruh akwuck nuh sin sucu.

Mwet suc ma ac oruh akwuck inge enenuh in ahkoeloslac sifacna nuh ke kolyuck luhn Nguhn Muhtahl. Elos enenuh pac in liye lah akwuck orek inge sun ma enenuh nuh kac:

1. Akwuck muhtahl nuhkewa enenuh in orekla ke innen Jisus Kraist.
2. Akwuck muhtahl nuhkewa enenuh in orekla ke kuh ac wal luhn *priesthood*.
3. Akwuck muhtahl ekahsr inge enenuh in ahkkweyuck lac sin mwet kol fulwact: baptais, ahkkweyelah, sang inne ac ahkinsewowoye tuhlihk srihsrihk, oruh *sacrament* kihsacelah inkuclyuck, ac sang *priesthood* ac ahkmusraelah nuhke wal.

Akmuhtahlye oil ahkkeye, mwet mas, ac sang mwe ahkinsewowo luhn pahpah tiac enenuh in ahkkeyuuck sin el suc sruok wal in liyacacng *priesthood*. Elos ahkkeyeyucklac ke el sruok pacl se mwet se *Melchizedek Priesthood* ac fal in eis.

4. Masap nuhkewa enenuh na in orek ke inkacnek enwenweyuck la an, in orekmakihn kaks la an, fihliyac paho fin sifac, kuh orekmakihn oil ahkmuhtahlyeyucklac.
-

Sang Inne ac Ahkinsewowoye Tuhlihk Srihsrihk

Ye kohkoh luhn el suc kol mwet lili suc sruok wal luhn Mechizedek *priesthood* muhkena kuh in eis kunac ke akwuck muhtahl luhn sang inne ac ahkinsewowoye tuhlihk srihsrihk (liye D&C 20:70). Pahpah se ma in eis *Melchizedek Priesthood* ac fwal in ahkkeyuuck in sifacna ahkihnsewowo tuhlihk nahtuhl.

Ke pacl in ahkinsewowoye tuhlihk fuhrs se, mwet lili an tuhkeni raunlac ac fihliyac paholos ye tuhlihk fuhrs sacn. In ahkinsewowoye tuhlihk mahtuh kuhtuh se, mwet lili an fihliyac paholos fin sihfen tuhlihk sacn. Mwet se ma sang mwe ahkinsewowo—

1. Fahklah en Pahpah tuhmasr Inkuhsrao.

2. Fahklah akwuck muhtahl sa orekla ke kuh ac wal luhn *Melchizedek Priesthood*.
 3. Sang inne se luhn tuhlihk sacn.
 4. Sang kaks in ahkinsewowo oacna Nguhn El kol.
 5. Ahksahfyacalah ke innen Jisus Kraist.
-

Baptais

Ye kohkoh luhn el suc kol, priest suwohs ac fal kuh mwet sruok wal luhn *Melchizedek Priesthood* kuh in baptaisi mwet ma fal an. In oraclah akwuck se inge, *priesthood* sacn—

1. Wi mwet se ac baptais an tu in kof a.
2. (In fihsracsr ac save) sruokyac puhsran paho lacyot ke mwet sacn ke lacpo lacsac kacl an, na fihliyac puhsran pahol lacsac ke lacpo lacsac kacl an.
3. Sralack lacpo lacyot nuh lucng.
4. Fahklah en mwet sacn nuhfohn ac fahk, “Ke kuh luhn Jisus kraist, nga baptaisi kom ke en Pahpah, ac ke Wen, ac ke Nguhn Muhtahl. Amen” (D&C 20:73).
5. (In fihsracsr) sap mwet sacn in fonosyac in facl ke lacpo lacyot lal an; na *priesthood* sacn fihliyac lacpo lacyot kal lucng ke fin tokol ac tilmekihniyac nuhfohn.
6. Kaksruh mwet sac in otyak liki inkof an.

Kais sie baptais enenuh na luo *priests* kuh mwet sruok wal luhn *Melchizedek Priesthood* in mwet lo kac. Elos ac liye lah orek fal nuhke akwuck. Fin pruhe an tiac fwahklah pwacye, enenuh in sifil kalweniyucki ac mwet sac enenuh na in sifilpac tilmekihnyucki. Fin oasr acn ke mahnol kuh nuknuk lal tiac puhsral kof pruhe in baptais in kalweniyucki ac mwet sac enenuh na in tilmekihnyucki nuhfohnna mahnol.

Ahkkweye ac Sang Nguhn Muhtahl

Ye kohkoh luhn mwet kol sacn, sie kuh kuhtuh mwet sruok wal luhn *Melchizedek Priesthood* kuh in ipeis ke ahkkeyeyacn mwet sacn in sie mwet in Alu uh ac in sang Nguhn Muhtahl. Elos fihliyac paholos fin sihfen mwet sa in muhlahlah; na mwet se sruok wal luhn *priesthood* suc ma ac sramsram—

1. Fahklah innen mwet sacn nuhfohn.
2. Fahklah lah akwuck muhtahl se inge orek ke kuh ac wal luhn *Melchizedek Priesthood*.
3. Ahkkweyelah mwet sa in sie mwet ke The Church of Jesus Christ of Latter-day Saints.
4. Sang Nguhn Muhtahl ke kas inge “eis Nguhn Muhtahl.”
5. Sang kaks in ahkinsewowo oacna Nguhn el kol.
6. Ahksahfye ke innen Jisus Kraist.

Oruh Akwuck ke Sacrament

Ye kohkoh luhn mwet kol fulact se, kuhfa luhn Leum ac kuh in kolyuck sin priest suwohs se kuh mwet sruok wal luhn *Melchizedek Priesthood*. Mwet se ma ahkinsewowoyelah bred an sikuck muhtuhntei ac fahklah kaksin pruhe ke *sacrament*. Na bred an kihtakatwelihk nuh sin mwet in alu an. Mwet se ma ahkinsewowoye kof sac sikuck muhtuhntei ac fahklah kas in pruhe ke kof an. Na cup in kof ac kihtakatwelihk nuh sin mwet in alu an.

Kaks in pruhe ke *sacrament* an enenuh in fwahklah in pwacye. Fin mwet se oraclah tahfohnnglac se ke pruhe inge ac tiac ahksuwohsyaclah sel sifacna, mwet se ma kol toeni an enenuh in sapkihn nuh sel in kalweni pruhe sa in pwacye.

Pruhe ke bred an pa inge:

“O God, Pahpah ma Pahtpaht, kuh siuck sum ke en inen Wen Nuhtum, Jisus Kraist, in ahkinsewowoye ac akmuhtahlye bred se inge nuhke nguhnin mwet nuhkewa ma ipeis kac, elos in kang in acsmakihn monin Wen Nuhtum, ac mwet nuh sum, O God, Pahpah ma Pahtpaht, elos insese in eis inen Wen Nuhtum, ac esamuhl pacl nuhkewa ac liac-acng ma-sap El sang nuhselos; Nguhn Lal in muh oasr yohrohlos ac weluhlos. Amen” (D&C 20:77; Moroni 4:3).

Pruhe ke kof an pa inge:

“O God, Pahpah ma Pahtpaht, kuht siuck sum ke inen Wen Nuhtum, Jisus Kraist, in ahkinsewowoye ac ahkmuhtahlye kof se inge nuhke nguhnin mwet nuhkewa ma nihm kac, elos oruh in acsmakihn srahn Wen Nuhtum, ma sohrohrlah kaclos; elos in mwet loh nuh sum, O God, Pahpah ma Pahtpaht, elos in esamuhl pacl nuhkewa, Nguhn Lal in muh oasr yohrohlos ac weluhlos. Amen” (D&C 20:79; Moroni 5:2).

Kihsackuhnlah ke Oil

Sie kuh puhs liki mwet sruok wal luhn *Melchizedek Priesthood* kuh in kihsackuhnlah *oil* ke *olive* suc nwacsnwacs na pwacye ac srelah nuhke srihpac in ahkmusraelah mwet mas. Wacngihn kuhtena oil kuh in orekmakihnyuck. In kihsackuhnlah *oil*, mwet oasr wal luhn *priesthood*—

1. Sruok mwe nwenyuck oil se suc ma ikack
2. Fahklah en Pahpah tuhmasr Inkucsráo.
3. Fahklah akwuck muhtahl se inge orek ke kuh ac wal luhn *Melchizedek Priesthood*.
4. Kihsackuhnlah oil nuhke ahkinsewowoye ac ahkmusraelah luhn mwet mas.
5. Ahksahfyacлах ke en Jisus Kraist.

Akmusraelah Mwet Mas

Mwet sruok wal luhn *Melchizedek Priesthood* muhkena kuh in sang kahrsh ac karihngihn mwet mas. Luo kuh puhs liki selos oraclah akwuck muhtahl se inge wo. Tuh, siena kuh in sifacna oraclah. Fin wacngihn oil ahkmutahlyeyucklac yohrohl, el kuh in sang mwe ahkinsewowo ke kuh ac wal luhn *priesthood*.

Sie pahpah suc sruok wal luhn *Melchizedek Priesthood* enenuh in sang kahrsh nuh sin mwet mas in sucu lal an. El kuh in siyuck sie pac mwet sruok wal luhn *Melchizedek Priesthood* in kahrshrel.

Oasr ip luo ke kahrshreyen mwet mas uh: (1) Ahkmusraelah ke oil ac (2) *seal* ahkmusraelah.

Akmusraelah ke Oil

Akmusra se inge orek sin sie mwet sruok wal luhn *Melchizedek Priesthood*. El—

1. Sang kitin tul in oil nuh fin sihfen mwet sacn.
2. Fihliyac pahol fin sihfen mwet sacn ac fahklah en mwet sacn.
3. Fahk lah akwuck muhtahl sacn orek ke kuh ac wal luhn *Melchizedek Priesthood*.
4. Fahk lah el akmusralah ke oil suc ahkmuhtahlyeyuck.
5. Ahksahfye ke en Jisus Kraist.

Seal Ahkmuhsraelah

Sie kuh pucs liki mwet sruok kuh ac wal luhn *Melchizedek Priesthood* fihliyac paholos fin sifen mwet mas sacn. Sie selos orekma oacna sie pusra ac—

1. Fahklah en mwet mas sacn.
 2. Fahklah akwuck muhtahl sacn orek ke kuh ac wal luhn *Melchizedek Priesthood*.
 3. *Seal Ahkmuhsraelah*.
 4. Fahklah mwe ahkinsewowo luhn *priesthood* in oacna Nguhn El kol.
 5. Ahksahfye ke en Jisus Kraist.
-

Kisacelah Inkucluyck

Mwet sruok kuh ac wal luhn *Melchizedek Priesthood* muhkena enenuh in kisacelah inkucluyck. El suc oruh ma se inge enenuh in ahkkweyuck sin mwet kol luhn *priesthood* suc srihsrngiyucki, suc ohsun yurin sucu sacn. Mwet sruok kuh ac wal luhn *priesthood* suc ituckyang kuh nuh se—

1. Fahk Pahpah tuhmasr Inkuhsrao.
2. Fahkack lah akwuck muhtahl se inge orekla ke kuh ac wal luhn *Melchizedek Priesthood*.
3. Kih sackuhnlah ac ahkmutahyaclah inkucluyck sacn in nien monglac luhn monin mwet misac sacn.

4. (Fwin kena) pruhe siyuck tuh ipin acn sacn fah ahkmuhtahlyeyuhk ac karihngihyuckyang ne ke pacl in Sifilmoulyak.

5. Siyuck sin Leum in ahkenganye sucu sacn ac fahkwack nuhnak oacna ma Nguhn El kol.

6. Ahksahfye ke innen Jisus Kraist.

Sie pruhe ke sisen inkucluyck lihkihna sie pruhe in ahkmuhtahlye kuh in orekmakihnyuck fin kuhtuh mwet in sucu an tiac insese kuh tiac kahlwem ke akwuck muhtahl luhn ahkmuhtahlye inkucluyck uh.

Sang Mwe Insewowo luhn Pahpah ac Kuhtuhpac Mwe Insewowo luhn Ahkmisyeh ac Kahs in Kahsruh

Mwet sruok kuh ac wal luhn *Melchizedek Priesthood* kuh in sang mwe insewowo luhn ahkmisyeh ac kahsin kahsruh. Pahpah se kuh in sang mwe insewowo ke pacl yohk srihpac nuh sin sucu lal, ke pacl elos ac som nuhke lutlut, som nuhke *mission*, macruhtlac, kuh som nuhke solse. Sie mwet ke sucu an kuh in suhmuhslah mwe insewowo luhn pahpah nuhke ma sihmlac ke sucu u, tuhsruh ma inge tiac fihliyuki nuhke ma sihmlac luhn Alu uh.

Mwe ahkinsewowo luhn pahpah se ac kuhtuhpac mwe ahkinsewowo luhn ahkengan ac ahkmisyeh ac kas in

kahsruh ukwe luhmah se tahklac ten inge. Mwet sruok kuh ac wal luhn *Melchizedek Priesthood*—

1. Filiac pahol fin sihfen mwet se ahkinsewowoyeyuck an.
 2. Fahklah en mwet sacn.
 3. Fahklah mwe ahkinsewowo se inge orekla ke kuh ac wal luhn *Melchizedek Priesthood*.
 4. Sang kuloh, kabs in kahsruh, kabs in kwacfe, ac olwelah oacna ma Nguhn El kol.
 5. Ahksahfyacлах ke en Jisus Kraist.
-

Sang Priesthood ac Ahkmusralah nuhke sie Wal

In sang *priesthood* kuh in ahkmusralah nuhke sie wal ingacn, mwet sruok wal luhn *priesthood* suc ituckyang kuh nuh se fihliyac paholos fin sihfen mwet sac. Na mwet sruok wal luhn *priesthood* oruh oacna pusra sac—

1. Fahklah en mwet sacn nuhfon.
2. Fahklah akwuck muhtahl se inge orekla ke wal luhn *priesthood*.

3. Sang Aaronic kuh *Melchizedek Priesthood*, fin tiac ituckyang.
 4. Ahkmusralah nuhke sie wal ke Aaronic kuh *Melchizedek Priesthood* ac sang suwohs, kuh, ac wal sacn.
 5. Sang kabs in ahkinsewowo oacna ma Nguhn El kol.
 6. Aksafla ke en Jisus Kraist.
-

Srihyucklac

Enenuh sie kuh luo yak *Melchizedek Priesthood* in oruh akwuck in srelah sie mwet in oruh orekma ke Alu. Elos fihliyac paholos fwinsifwac, na mwet se ma ac oruh sramsram an in—

1. Fahklah innen mwet sacn nohfohn.
2. Fahklah akwuck se inge orek ke kuh luhn *Melchizedek Priesthood*.
3. Srelah mwet sacn nuh ke sie wal kuh *stake* kuh *ward* ke Alu uh.
4. Sang kabs ahkinsewowo oacna Nguhn kol.
5. Ahksahfye ke innen Jisus Kraist.

THE CHURCH OF
JESUS CHRIST
OF LATTER-DAY SAINTS

